

Dreißig Stunde wär'n aach genuch

Text Musik M. Travis (16 tons) / Um- und Nachdichtung R. Frankl

e C7 H7
Mä sacht, de Mensch wär'aus Kohlestaab, na gut,
e C7 H7
doch du hast kää Kohle, hast nur Muskeln und Blut
e a
en Bauch un Knoche und e bissje Verschtand
e C7 H7
e starkes Kreiz, des is doi äänzisches Pfand.

Du schrubbst värzich Stunde, was hast'n devon?
genau gesäh'n immer wenischer Lohn
buckelst dich krumm, ei verflucht
dreißig Stunde wär'n aach genuch.

Du hast nix geärbt, e Fraa un drei Kinn',
Am End vom Geld is noch zeviel Monat drin,
Bam Oikaafe fehlt dä die nötische Knete
un brummt's lwwerstunde fehlt die Zeit fä e Fete.

Du schrubbst ...

Mä solle länger schaffe, fä wenischer Geld,
dann gäb's baal' kä Awweitslose mehr uff de Welt.
Wer glaabt dann des Märsche? Ich jedenfalls nit!
Die Awweitslosezahl, die wächst doch mit'em Profit.

Du schrubbst ...

Sie saache, de Gördel werd jetz enger geschnallt
Zum Verdeile gäb's nix mehr, so wär des halt.
Wenn nixmä verdeilt wädd, dann fraach ich mich bloß:
Warum sin dann die Profite so groß?

Du schrubbst värzich Stunde, was hast'n devon?
genau gesäh'n immer wenischer Lohn
buckelst dich krumm, ei verflucht
dreißig Stunde wär'n aach genuch.

Un werste alt un kimmst nimmer mit,
werste krank un bringst doim Boss kää Profit,
„Was, kää Profit?- Des kanni soi!
Auf, reih dich glei bam Sozialamt oi!“

Du schrubbst värzich Stunde, ...